

de honore nominis etiam et potestatis; optans vestram dignitatem et nobilitatem 801
multis proficere populis gentibus ecclesiisque Christi in salutem, et triumphi gloria^{post Apr. 4.}
celebrem^a esse in mundo necnon et terribilem^b adversariis christianae religionis;
longevaue prosperitate vigere et valere; et cum Dei benedictione semper meliora
5 sequi et ad altiora ascendere et crescere usque in diem perfectum aeternae beatitudinis.

Unde, dilectissime fili, faciens facito iustitias et misericordias in populo christiano;
quia haec sunt, Salomone adtestante, quae exaltant solium regni, et laudabilem Deo-^{Cf. Prov. 16, 12.}
que placabilem regiam efficiunt^c potestatem. Consiliarios habeto bonos, pios, prudentes
Deumque timentes¹, in quibus veritas regnet, non cupiditas; quia munera excaecant^{Exod. 23, 8.}
10 corda sapientium et subvertunt verba iustorum. Nullatenus aliquorum improbitas
dignitatis tuae nomen obscurat^d; et quod tu ipse non vis facere, alios non permittas
propter cupiditatem suam improba mente efficere; quia saepe subiectorum culpa
dominis deputatur^{e 2}. Neve aliquorum impia voluntas sub tuae beatitudinis nomine
sacculos suos impleat iniquitatis^f mammona. ^{Luc. 16, 9.}

15 Non sunt tibi exempla longe quaerenda. Habes enim in domo, in qua nutritus
fuisti, optima totius bonitatis exempla. Et crede certissime illius excellentissimi^g et
omni decore nobilissimi patris tui, rectoris et imperatoris populi christiani, benedic-
tionem te consequi, Deo donante, si nobilitatis illius et pietatis et totius modestiae
mores imitari nitaris; Dominique misericordiam, quae melior est totius saeculi gloria,
20 plenissime promereri.

Ubicumque iter habeas, semper te vestigia pietatis sequantur, ut laudem apud
homines habeas et mercedem apud Deum perpetuam.

Semper in aeternum, mundi spes magna, valet.

Sit tibi Christus amor, lux, via, vita, salus.

218.

25 *Alcvinus Arnoni archiepiscopo Salisburgensi respondet. De Caroli imperatoris et
Caroli regis facti prosperitate gaudet. De Leone III papa et de rebus Beneventanis.
Ex vitae periculo se evasisse significat, Arnonemque videre cupit. 801 post Apr. 4.*

Cod. H fol. 46'—47'.

Edd. F 191, J 163. — Migne col. 381.

30 VENERANDO PATRI ET IN MEMBRIS CHRISTI EXCELLENTISSIMO AQUILAE ARCHYSPECULATORI
ALBINUS DEVOTUS IN CARITATE FRATER INDEFICIENTIS^a GLORIAE SALUTEM.

Gaudens gaudebo de fide et caritate beatitudinis vestrae; de prosperitate, salute ^{Isai. 61, 10.}
et exaltatione pii principis triumphatoris magni et gloriosi imperatoris et nobilissimae
prolis³ illius fideliumque omnium eius incolomitate; nisi duo defuerunt in litteris

35 a) celebre H. b) terribile H. c) efficiant H. d) obscurant H. e) deputetur H. f) in-
iquitates H. g) excellentissimi H.

218. a) indeficiens H.

*Italiae regem et Ludovicum Aquitaniae regem unctos esse constat; v. Regesta pontt. Rom. p. 297. Itaque
cum Vita Leonis III papae (ed. Duchesne II, 7) ostendat hunc die 25. Decembris 800. Romae unxisse oleo
40 sancto et Carolum imperatorem et excellentissimum filium eius regem, certo scimus non de Pippino
Italiae rege iam anno 781. uncto agi, sed tam unctionem in Vita Leonis III memoratam quam coronae
regiae impositionem, cuius Alcvinus mentionem infert, ad Caroli imperatoris maiorem filium Carolum
pertinere; praesertim cum ipsius Caroli iam regis patrem Alcvinus post paulo appellet nobilissimum patrem
tuum, rectorem et imperatorem populi christiani. Et haec quidem iam vidit Frobenius T. I, p. 241. J.*

45 1) Cf. supra pp. 51 l. 22; 99. 181. 315. 2) Cf. supra ep. 33 p. 75: Saepe subiectorum peccata
rektoribus inputantur. 3) Caroli regis; v. ep. 217 supra p. 360.